

# BASES DEL XVIII CONCURSU INTERNACIONAL DE SEMEYES LA SIDRA

---

## 1. Participación

Podrán participar toles persones (seyan profesionales o aficionaes) que unvien semeyes dientro del plazu señaláu y nos soportes requeríos en cada casu.

Polo fechu de participar, el participante afirma ser autor de les semeyes y tar en plenu derechu pa autorizar que seyan espueses y publicaes en catálogos, trípticos, cartelos o otros materiales rellacionaos cola difusión del concursu, cediendo esti derechu a los organizadores y a los sos organismos superiores CEF, que tán obligaos siempre a mentar l'autor y el títulu de la obra. Los organizadores y organismos superiores queden exentos de cualquier responsabilidá ante reclamaciones por derechos d'ímaxe de terceros.

Esti concursu tien el reconocimientu de la CEF y ye puntuable pa la obtención de los títulos d'Artista, Excelencia y Maestru de la CEF. Por ello, el concursante concede la so autorización a los organizadores y al organismu superior CEF pa que los sos datos personales seyan mecanizaos, siempre nel ámbitu esclusivu de la divulgación artística de les sos obres y pa la publicación de los sos méritos y premios destinaos a la obtención de distinciones CEF.

Los organizadores y concursantes sométense al reglamentu de reconocimientos de la CEF y a les presentes bases. Si dalguna situación nun tuviera contemplada nestes normes, va ser estudiada pola organización, que podrá consultar cola CEF, y va ser resuelta pola Xunta Directiva.

La participación implica l'aceptación total d'estes bases. Cualquier situación non prevista nes memes va ser resuelta pola organización, siendo la so decisión inapelable.

Nun podrán participar nel concursu los miembros de les xuntes directives de les entidaes organizadores nin los sos familiares.

## 2. Autoría de les semeyes

Les semeyes namás podrán ser presentaes polos sos propios autores.

## 3. Temática

Namás s'almitirán semeyes rellacionaes cola sidra, la so cultura, la mazana o cualesquier de los sos derivaos, acordies coles característiques descrites nestes bases.

El número máximu de semeyes presentaes por cada autor va ser de cinco (5).

#### **4. Xéneros y procedimientos**

Almítense tolos xéneros y procedimientos esencialmente fotográficos. Sicasí, nun s'almitirán a concursu les infografíes nin otres imáxenes que nun fueren captaes con un dispositivu fotográficu, cámara o móvil.

Van valorase especialmente les imáxenes que representen el procesu d'elaboración y consumu de la sidra en cualesquier de los sos aspectos, tanto dientro como fuera d'Asturies.

#### **5. Plazu y forma d'unviú**

Les semeyes tendrán d'unviase nos soportes indicaos y dientro del plazu de duración del concursu: dende'l momentu de la publicación d'esta convocatoria na revista LA SIDRA (Fundación Asturies XXI) o na páxina web o Facebook d'Asemeyando, y hasta'l 15/09/2026.

La inscripción ye gratuita.

#### **6. Modalidá**

Establécese una sola modalidá: (DIG) Archivos Dixitales.

Les imáxenes tendrán d'unviase en formatu comprimíu JPG 8400 x 2800 píxeles, bien seya horizontal o vertical, ensin marcos, cola imaxe a sangre nel llienzu y con un máximu de 8 MB.

Nun s'almitirán semeyes en formatu panorámicu, cuadráu u otres proporciones distintes de les indicaes.

Les semeyes van unviase en formatu dixital a la direición:

<https://asemeyando.fotogenius.es/>

#### **7. Obres non admitíes**

Les semeyes nun podrán ser premiaes en nenguna otra convocatoria d'esti concursu nin ser seleccionaes como finalistes con puntos CEF o pa la so esposición.

#### **8. Xuráu**

Un xuráu cualificáu formáu poles persones que designará Asemeyando Asociación Fotográfica, ente les que se va incluyir un xuráu CEF y un miembru designáu pola Fundación Asturies XXI, escoyera ente les semeyes recibíes la obra ganadora, dos accésits y la mención especial JR.

Podrán refugarse aquelles obres que nun s'afaigan al tema acordáu o al formatu esixíu.

El fallu del xuráu va ser definitivu ya inapelable.

## 9. Identificación de les obres

Nun se van permitir firmes, marcos nin testos sobre les imáxenes.

## 10. Esposición

Les 20 imáxenes finalistes podrán formar parte de la muestra “Semeyes Sidreres”, que se va esponer nel actu d’entrega de premios.

Esta esposición podrá ser itinerante col oxetivu de potenciar la cultura sidrera asturiana.

## 11. Premios

- Imaxe ganadora: 700 € en metálicu y medaya d’oru CEF
- 1.er accésit: 200 € en metálicu y medaya de plata CEF
- 2.º accésit: 100 € en metálicu y medaya de bronce CEF
- Mención especial «Sidra JR»: 100 € y dos caxes de sidra JR (a recoyer nel llagar pola persona premiada)

A los premiaos va aplicase la retención prevista na llexislación tributaria vixente.

## 12. Finalistes

Tolos finalistes van recibir un diploma y una invitación al actu d’entrega de premios.

## 13. Publicación de los premios

Los premios a les meyores semeyes van facese públicos na revista LA SIDRA y na web o Facebook d’Asemeyando.

## 14. Difusión

Les semeyes premiaes y una selección de les meyores que reciban aceptación van difundise na revista LA SIDRA (Espublizastur SL / Fundación Asturies XXI).

## 15. Derechos d’usu

Toles semeyes que reciban aceptación podrán ser utilizaes por LA SIDRA (Espublizastur SL / Fundación Asturies XXI) respetando’l so formatu d’imaxe y mentando siempre al autor.

La organización resérvase’l derechu de publicación de les semeyes na revista, llibros y demás materiales col únicu oxetivu de potenciar y difundir la cultura asturiana, la sidra y esti concursu, citando espresamente al autor. Nun va esistir nengún tipu de llucro na difusión d’estes obres.

## **16. Aceptación de las bases**

El fechu de participar supón l'aceptación completa de les presentes bases.

## **17. Plazu d'admisión**

El plazu d'admisión va ser del 1 d'abril al 15 de setiembre de 2026.

## **18. Premios a residentes fora d'España**

En casu de resultar premiada una persona con residencia fora d'España, el premiu va pagase en euros, descontándose los gastos de tresferencia y aplicándose les retenciones llegalas correspondientes.